



სატენდერო დოკუმენტაცია

კომპიუტერული ქსელის კომპონენტების და
თანმდევი მომსახურების შესყიდვა

CPV32400000

შესყიდვის სავარაუდო ღირებულება –11500 ლარი

ქ. თბილისი
14 ნოემბერი 2014 წელი

სარჩევი

1. ტექნიკური დავალება
2. საკვალიფიკაციო მოთხოვნები
3. დანართი №1 – სატენდერო წინადადების ფორმა
4. დანართი №2 – ფასების ცხრილის ფორმა
5. დანართი №3 აფიდავიტის ფორმა
6. დანართი №4 ხელშეკრულების შესრულების საგარანტიო უზრუნველყოფა
7. სახელმწიფო შესყიდვების შესახებ ხელშეკრულების პროექტი

ტექნიკური დავალება

1. შესყიდვის ობიექტი: ქსელის ინფრასტრუქტურის აქტიური და პასიური კომპონენტების შესყიდვა და მონტაჟის და გამართვის თანმდევი მომსახურება.

2. შესასყიდი ქსელური ინფრასტრუქტურის ზოგადი აღწერა

გამარტივებული ელექტრონული ტენდერით, გათვალისწინებულია ქსელური ინფრასტრუქტურის შესყიდვა, რომელიც მოიცავს შემდეგ კომპონენტებს:

- უკაბელო ქსელის Wi-Fi წვდომის წერტილი;
- PoE ინჟექტორი უკაბელო წვდომის წერტილების კვების უზრუნველსაყოფად;
- ქსელური კომუტატორი (სვიჩი);
- ქსელის კაბელი;
- ქსელის კაბელის RJ-45 თავაკი;
- საკაბელო არხი ქსელის კაბელებისათვის;
- ინსტალაციის და გამართვის თანმდევი მომსახურება.

მიწოდებული უკაბელო წვდომის წერტილების მონტაჟი განხორციელდება 4 სართულზე კორიდორებში არმსტრონგის ჭერზე.

3. შესასყიდი ინფრასტრუქტურის კომპონენტების ტექნიკური მახასიათებლები

ა) უკაბელო ქსელის წვდომის წერტილები – 8 ც.

ტექნიკური პარამეტრები:

	მინ	მაქს
სამუშაო სიხშირის დიაპაზონი(ორივე სიხშირის ერთდროული გამოყენების საშუალებით)	2.4 GHz /5GHz (Dual-band)	
კვება	DC, Power over Ethernet 802.3 af	
ქსელის პორტები	1 auto MDX, auto-sensing 10/100/1000 Mbps, RJ-45, POE port 1 auto MDX, auto-sensing 10/100 Mbps, RJ-45 ports	
გარემოს ტემპერატურის სამუშაო დიაპაზონი	0°C - 50°C	
გარემოს ტენიანობის სამუშაო დიაპაზონი	10% - 85%	
უკაბელო ქსელის სტანდარტების მხარდაჭერა	IEEE 802.11a/b/g/n	
ანტენა	პოლარიზაციის დივერსიფიკაციის მხარდაჭერა.	
ანტენის სიმძლავრე	3dBi	
გადამცემის სხივის ფორმირების სიმძლავრე	4db	
მიმღების სხივის ფორმირების სიმძლავრე	4db	
ინტერფერენციის არიდება	10db	
მიმღების მგრძნობელობა	101dBm	
რადიო მოდული	მინიმუმ 2 გადამცემი, 2 მიმღები, ერთდროულად 2 სივრცული არხის მხარდაჭერით.	
რადიო სიმძლავრე	26dBm for 2.4GHz, 24dBm for 5GHz	

პარალელური კლიენტების მხარდაჭერა	500	
მართვის საშუალებები	კონტროლერით და დამოუკიდებელი რეჟიმი	
რამდენიმე SSID-ის მხარდაჭერა	მინიმუმ 4	
ოპტიმალური სიხშირის ავტომატური ამორჩევა	კი	
სხივის ფორმირება	კი	
Multicast წაკადების მხარდაჭერა	კი	
QoS პაკეტების კლასიფიკაცია და ავტომატური პრიორიტიზაცია ტიპის მიხედვით	კი	
მარშრუტიზატორის რეჟიმში მუშაობის შესაძლებლობა, NAT და DHCP server მხარდაჭერა	კი	
მომხმარებლის სიჩქარის შეზღუდვის შესაძლებლობა	კი	
უსაფრთხოება	WPA-PSK, WPA2-PSK, , AES , 802.11i Authentication via 802.1X with local database, Radius, LDAP	
PoE ინჟექტორი არსებული სვიჩიდან კვების უზრუნველსაყოფად	1	1
გარანტია და მხარდაჭერის პაკეტი	24X7, 3 წელი	

ბ) ქსელური კომპუტატორი (switch) – 10 ც.

ტექნიკური პარამეტრები:

	მინ	მაქს
კვება	DC	
RJ-45 Ethernet პორტების რაოდენობა	8	8
RJ-45 Ethernet პორტების ტიპი	10/100 Mbps Auto-Sensing Full Duplex	
MDI/MDIX პოლარულობის ავტომატური ამოცნობა	კი	
წაკადის მართვის სტანდარტის IEEE 802.3x მხარდაჭერა	კი	
გარემოს ტემპერატურის სამუშაო დიაპაზონი	0°C - 50°C	
გარემოს ტენიანობის სამუშაო დიაპაზონი	10% - 90%	
გარანტია	6 თვე	

გ) ქსელის კაბელი – 500 მ.

ტექნიკური პარამეტრები:

	მინ	მაქს
კაბელის ტიპი	FTP Cat 6	
სტანდარტების მხარდაჭერა	ISO/IEC 11801	

- დ) ქსელის კაბელის RJ-45 თავაკი: – 250 ც.

ტექნიკური პარამეტრები:

	მინ	მაქს
თავაკის ტიპი	FTP Cat 6	

ვ) კაბელ კანალი ქსელის კაბელებისათვის 25x25 – 80მ.

კაბელ კანალი ქსელის კაბელებისათვის 32x20 – 20მ.

4. თანმდევი მომსახურება

შესყიდვის ფარგლებში მიწოდებული ინფრასტრუქტურა განთავსდება შემდეგნაირად:

1) უკაბელო ქსელის წვდომის წერტილები.

დამკვეთის მფლობელობაში არსებული შენობის 4 სართულის კორიდორებში. გასათვალისწინებელი რომ კორიდორის გასწვრივ არსებულ ყველა ოთახში უკვე არსებობს ჭერთან კაბელის შეერთების წერტილები და ყველა ოთახი აღჭურვილია არმსტრონგის ფილების ორმაგი (ფალშ) ჭერით. შემსრულებელმა უნდა მოახდინოს კორიდორში უკაბელო წვდომის წერტილების მონტაჟი და მათი შეერთება ამორჩეულ ოთახში არსებულ ჭერის ქსელის წერტილში. შემსრულებელმა იმგვარად უნდა მოახდინოს მონტაჟის წერტილების და უკაბელო წვდომის წერტილების აპარატების მდებარეობის არჩევა რომ კორიდორში დამონტაჟებულმა ორმა აპარატმა უზრუნველყოს სართულზე ნებისმიერ წერტილში სიგნალის მყარი მიღება არანაკლებ 50%-სა.

5. აუცილებელი მოთხოვნა პრეტენდენტის მიმართ

5.1. პრეტენდენტს ბოლო 1 წლის განმავლობაში განხორციელებული უნდა ჰქონდეს შეთავაზებაში ჩამოთვლილი მსგავსი აპარატურის და მომსახურების მიწოდების მინიმუმ 1 წარმატებულად განხორციელებული პროექტი.

6. შესყიდვის ობიექტის მიწოდების ვადები: შესყიდული ინფრასტრუქტურის კომპონენტების მიწოდება და თანმდევი მომსახურება უნდა განხორციელდეს ხელშეკრულების გაფორმებიდან არაუმეტეს 10 (ათი) კალენდარული დღის ვადაში.

7. შესყიდვის ობიექტის მიწოდების ადგილი: ქ. თბილისი, ა. მიცკევიჩის 19.

8. გარანტია: შესყიდვის ობიექტის კომპონენტებზე უნდა ვრცელდებოდეს არანაკლებ კონკრეტული კომპონენტის ტექნიკურ პარამეტრებში მითითებული ვადის ინდივიდუალური გარანტია მიწოდების (მონტაჟის) დღიდან. იმ შემთხვევაში თუ შესყიდვის ობიექტის ხარისხი საგარანტიო ვადის განმავლობაში არ დააკმაყოფილებს შემსყიდველს ან/და აღმოაჩნდება დეფექტები,

მიმწოდებელმა შემსყიდველის შეტყობინებიდან არაუგვიანეს 2 (ორი) კვირის ვადაში უნდა უზრუნველყოს დეფექტების გამოსწორება (შეკეთება ან დეფექტური საქონლის შეცვლა).

9. პრეტენდენტს უფლება აქვს შესყიდვის ობიექტის მიწოდების და მონტაჟის ადგილი დაათვალიეროს შემსყიდველის მისამართზე: ქ. თბილისი, ა. მიცკევიჩის 19.

10. მიმწოდებელმა უნდა უზრუნველყოს შესყიდვის ობიექტის ისეთი შეფუთვა, რომელიც დაიცავს მას დაზიანებისაგან დანიშნულების ადგილამდე ტრანსპორტირების პროცესში.

11. შემოთავაზებული ფასი უნდა მოიცავდეს ყველა (მათ შორის შემსყიდველის მისამართზე საქონლის მიწოდების და მონტაჟის) ხარჯს, კანონმდებლობით გათვალისწინებულ ყველა გადასახადს. ხარჯები, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას. სატენდერო წინადადების ფასი სისტემაში მითითებული უნდა იქნეს დღგ-ს გათვალისწინებით.

12. პრეტენდენტებმა ტექნიკური დოკუმენტაციის სახით სისტემაში უნდა ატვირთონ შემდეგი დოკუმენტები და ინფორმაცია:

- ა) სატენდერო წინადადება დანართი N 2-ის შესაბამისად;
- ბ) ფასების ცხრილი დანართი N 3-ში მოცემული ფორმის შესაბამისად;
- გ) ინფორმაცია საგარანტიო ვადებისა და პირობების შესახებ;
- დ) შეთავაზებული გადაწყვეტილების აღწერა, მისაწოდებელი აპარატურის სია მოდელის, მწარმოებლის, რაოდენობის და ერთეულის თანხის, გარანტიისა და შესაბამისი ლიცენზიების მოქმედების პერიოდის მითითებით;
- ე) ინფორმაცია საქართველოში საინფორმაციო ტექნოლოგიების სისტემური ინტეგრაციის არანაკლებ 10 (ათ) წლიანი გამოცდილების შესახებ
- ვ) 2013 წელს არანაკლებ 4 (ოთხი) მილიონი ლარის ოდენობის მიწოდების/მომსახურების გაწევის დამადასტურებელი დოკუმენტები (მოგების გადასახადის დეკლარაცია ან სხვა);
- ზ) ინფორმაცია შეთავაზებაში ჩამოთვლილი მსგავსი აპარატურის და მომსახურების მიწოდების მინიმუმ 1 წარმატებულად განხორციელებული პროექტის შესახებ შემსყიდველის საკონტაქტო ინფორმაციით;
- თ) მწარმოებლის მიერ საქართველოს ბაზარზე გაყიდვის ავტორიზაციის სერთიფიკატი ყოველი აპარატურის კომპონენტისათვის;
- ი) მიმწოდებლის თანამშრომლების სია რომლებიც განახორციელებენ აპარატურის მონტაჟს და კონფიგურაციას - მწარმოებლის მიერ გაცემულ კვალიფიკაციის დამადასტურებელ დოკუმენტაციასთან (სერთიფიკატებთან) ერთად;
- კ) ყოველი აპარატურის კომპონენტის მწარმოებლისათვის საქართველოში არსებული სერვის ცენტრების და პარტნიორების საკონტაქტო ინფორმაცია ავტორიზაციის დამადასტურებელ დოკუმენტაციასთან ერთად.

* პრეტენდენტი ვალდებულია სატენდერო წინადადება და ფასების ცხრილი წარმოადგინოს სრულყოფილად შევსებული დანართი № 1 და დანართი № 2 ფორმით;

* პრეტენდენტის მიერ გაცემული ყველა დოკუმენტი უნდა იყოს უფლებამოსილი პირის მიერ ხელმოწერილი და სათანადო წესით დამოწმებული.

13. სახელმწიფო შესყიდვების ერთიან ელექტრონული სისტემაში სატენდერო წინადადების (ტექნიკური დოკუმენტაციისა და სატენდერო წინადადების ფასი) წარდგენით პრეტენდენტი ავტომატურად გამოხატავს თანხმობას ამ პუნქტის „ა“ და „ბ“ ქვეპუნქტებში განსაზღვრულ მოთხოვნებზე.

ა) ანგარიშსწორება განხორციელდება მოწოდებული საქონლის (მონტაჟით) ღირებულების შესაბამისად მიღება-ჩაბარების აქტის გაფორმების შემდეგ.

ბ) სატენდერო წინადადება ძალაშია მისი სისტემაში ატვირთვის დღიდან ტენდერისათვის „ხელშეკრულება დადებულია“, „დასრულებულია უარყოფითი შედეგით“ ან „ტენდერი შეწყვეტილია“ სტატუსის (ერთ-ერთი) მინიჭებამდე.

14. მიმწოდებელი ვალდებულია გაეცნოს და დაეთანხმოს აფიდავიტის პირობებს, რა სახითაც იგი წარმოდგენილი იქნება სახელმწიფო შესყიდვების ერთიან ელექტრონულ სისტემაში, სატენდერო წინადადების წარდგენამდე.

აფიდავიტის საილუსტრაციო ფორმა მოცემულია დანართ N3-ში. დანართი N3-ით გათვალისწინებული აფიდავიტის ფორმა დოკუმენტაციაში წარმოდგენილია მხოლოდ საილუსტრაციო მიზნებისთვის. აფიდავიტის პირობებზე დათანხმება ხდება ერთიან ელექტრონულ სისტემაში ელექტრონულად შესაბამის ღილაკზე დაჭერით.

15. პრეტენდენტს უფლება არ აქვს, წარმოადგინოს ალტერნატიული სატენდერო წინადადება.

16. წინასწარი ანგარიშსწორება დაუშვებელია.

17. ელექტრონული გარანტიის ოდენობა შეადგენს შესყიდვის ობიექტის სავარაუდო ღირებულების 1 (ერთი) პროცენტს. ელექტრონული გარანტიის მოქმედების ვადა უნდა შეადგენდეს არანაკლებ 120 კალენდარულ დღეს ტენდერისათვის „წინადადებების მიღება დაწყებულია“ სტატუსის მინიჭებიდან.

18. ტენდერში ხელშეკრულების შესრულების უზრუნველყოფის გარანტია გამოყენებული არ იქნება.

19. პრეტენდენტს უფლება აქვს შესყიდვის პროცედურებთან დაკავშირებით მიიღოს დამატებითი ინფორმაცია და განმარტებები შემდეგი საკონტაქტო პირისგან: მ. კუპრაძე, ტელ: 574058555; ელ. ფოსტა: kupradze@gnerc.org; ს. ღვინიაშვილი ტელ: 577 920132; ელ. ფოსტა: sophio.gviniashvili@gnerc.org

20. დაფინანსების წყარო – საკუთარი შემოსავლები.

შენიშვნა:

1. სახელმწიფო შესყიდვების ელექტრონული სისტემის მომხმარებლის სახელმძღვანელო მოცემულია საიტზე: www.procurement.gov.ge
2. სახელმწიფო შესყიდვების სააგენტოს თავმჯდომარის 2011 წლის 7 აპრილისი #9 ბრძანება „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ მოცემულია საიტზე www.procurement.gov.ge

საკვალიფიკაციო მოთხოვნები

სატენდერო კომისიის გადაწყვეტილების თანახმად. პირმა, რომელიც გამარტივებული ელექტრონული ტენდერის შედეგების მიხედვით გამოცხადდება გამარჯვებულად, სატენდერო კომისიის მიერ განსაზღვრულ ვადაში უნდა წარმოადგინოს საკვალიფიკაციო მოთხოვნების დამადასტურებელი შემდეგი დოკუმენტაცია:

1. იურიდიულმა პირმა, ამხანაგობამ ან ინდივიდუალურმა მეწარმემ:

ა) ამონაწერი მეწარმეთა და არასამეწარმეო იურიდიული პირების რეესტრიდან;

შენიშვნა:

ა) ამონაწერი მეწარმეთა და არასამეწარმეო იურიდიული პირების რეესტრიდან მოთხოვნილია მეწარმე სუბიექტისთვის რეგისტრაციის დადასტურებისა და მის წარმომადგენლობითი უფლებამოსილებით აღჭურვილი პირის იდენტიფიკაციისათვის, კონტრაგენტის სახელით ხელშეკრულებაზე ხელმომწერი პირის განსაზღვრის მიზნით.

2. ფიზიკურმა პირმა:

ა) პირადობის მოწმობის ან პასპორტის ასლი;

ბ) გადასახადის გადამხდელის მოწმობის ასლი.

შენიშვნა:

ა) პირადობის მოწმობის ან პასპორტის ასლი მოთხოვნილია პრეტენდენტი ფიზიკური პირის იდენტიფიკაციის მიზნით.

ბ) ფიზიკური პირის გადასახადის გადამხდელის მოწმობა მოთხოვნილია საქართველოს საგადასახადო კოდექსის 154-ე მუხლის „დ“ ქვეპუნქტის მოთხოვნათა გათვალისწინებით.

სატენდერო წინადადება

1. პრეტენდენტის რეკვიზიტები:

- იურიდიული ფორმა და დასახელება:
- ხელმძღვანელის სახელი და გვარი:
- იურიდიული მისამართი:
- ფაქტიური მისამართი:
- საიდენტიფიკაციო კოდი:
- ტელეფონის/ფაქსის ნომერი:
- ელექტრონული ფოსტის მისამართი:
- მომსახურე ბანკის დასახელება და კოდი:
- ანგარიშსწორების ანგარიში:

სახელმწიფო შესყიდვების ერთიან ელექტრონულ სისტემაში შემოთავაზებული სატენდერო წინადადების ფასი შეადგენს: _____ ლარს.

ამით ვადასტურებთ, რომ გაცნობილნი ვართ „სახელმწიფო შესყიდვების შესახებ“ საქართველოს კანონსა და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესს“ და ტენდერის მსვლელობის დროს ვიმოქმედებთ დადგენილი წესების და ნორმების ფარგლებში.

მიმწოდებლის სახელით

(უფლებამოსილი პირის სახელი, გვარი,
თანამდებობა და ხელმოწერა/ბეჭედი)

ფასების ცხრილი

#	საქონლის დასახელება	მწარმოებელი/მოდელი	რაოდენობა	ერთეულის ფასი (ლარი)	საერთო ფასი (ლარი)	საგარანტიო ვადა	შენიშვნა
1	2	3	4	5	6	7	8
1.	უკაბელო ქსელის Wi-Fi წვდომის წერტილი;		8 ც.				
2.	PoE ინჟექტორი უკაბელო წვდომის წერიტილების კვების უზრუნველსაყოფად		8.ც				
3.	ქსელური კომპუტატორი;		10 ც.				
4.	ქსელის კაბელი;		500 მ.				
5.	ქსელის კაბელის RJ-45 თავაკი;		250 ც.				
6.	საკაბელო არხი ქსელის კაბელებისათვის 25x25;		80 მ.				
7.	საკაბელო არხი ქსელის კაბელებისათვის 32x20;		20 მ.				

პრეტენდენტის დასახელება:

მიმწოდებლის სახელით
(უფლებამოსილი პირის სახელი, გვარი,
თანამდებობა და ხელმოწერა)

აფიდავიტის საილუსტრაციო ფორმა

აფიდავიტი

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

* ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავიტში მოცემული ინფორმაცია არის ყალბი ან/და ცრუ;

* უფლებამოსილი ვარ პრეტენდენტის მიერ, ხელი მოვწერო ამ აფიდავიტს და წარვადგინო ეს სატენდერო წინადადება;

* ნებისმიერ პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;

* ჩემთვის ცნობილია რომ ტერმინი "კონკურენტი" აფიდავიტის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;

* მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულა კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

- სატენდერო წინადადების ფასი;
- სატენდერო წინადადების ფასის გამოთვლის მეთოდი, კოეფიციენტი ან ფორმულა;
- სატენდერო წინადადების წარდგენა ან წარდგენისგან თავის შეკავება;
- ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;
- შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება სატენდერო წინადადება;

* სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯარობის მომენტამდე.

გავეცანი ამ აფიდავიტის შინაარსს და ვადასტურებ წარმოდგენილი ინფორმაციის უტყუარობას.

სახელმწიფო შესყიდვების მიზნებისთვის, აფიდავიტი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერა, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავიტით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.

სახელმწიფო შესყიდვების შესახებ ხელშეკრულების პროექტი

ხელშეკრულება N

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ქ. თბილისი

2014 წლის _____

ერთის მხრივ სსიპ საქართველოს ენერგეტიკისა და წყალმომარაგების მარეგულირებელი ეროვნული კომისია (შემდგომში „შემსყიდველი“) წარმოდგენილი მისი აღმასრულებელი დირექტორის ზურაბ გაბელაიას სახით და მეორეს მხრივ, _____ (შემდგომში „მიმწოდებელი“) წარმოდგენილი მისი დირექტორის _____ სახით, სახელმწიფო შესყიდვების კანონის და პრეტენდენტის (მისი დასახელება) სატენდერო წინადადების საფუძველზე, გამარტივებული ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

მუხლი 1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „შემსყიდველი“ – ორგანიზაცია, რომელიც ახორციელებს შესყიდვას.
- 1.4. „მიმწოდებელი“ – პირი, რომელიც ახორციელებს საქონლის მიწოდებას ხელშეკრულების ფარგლებში.
- 1.5. „საქონელი“ – ხელშეკრულების მე-2 მუხლით გათვალისწინებული ხელშეკრულების საგანი.

მუხლი 2. ხელშეკრულების საგანი

- 2.1. წინამდებარე ხელშეკრულების საგანს წარმოადგენს სასერვერო და მონაცემთა შენახვის ინფრასტრუქტურის შესყიდვა თანმდევ მომსახურებასან ერთად (შემდგომში „საქონელი“) № SPA _____ გამარტივებულ ელექტრონული ტენდერის ტექნიკური დავალების შესაბამისად.

მუხლი 3. ხელშეკრულების შესრულების კონტროლი

- 3.1. შემსყიდველი უფლებამოსილია ხელშეკრულების შესრულების ნებისმიერ ეტაპზე განახორციელოს კონტროლი (ინსპექტირება), რომლის მიზანია მიწოდებული საქონლის შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.
- 3.2. ხელშეკრულების 3.1 პუნქტით გათვალისწინებულ კონტროლს (ინსპექტირებას) შემსყიდველის

მხრიდან განახორციელებს კომპიუტერულ-ტექნიკური და პროგრამული უზრუნველყოფის დეპარტამენტის დირექტორი, გიორგი ნანობაშვილი.

3.3. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

მუხლი 4. საქონლის მიღება-ჩაბარების წესი

4.1. მიმწოდებელმა საქონლის მიწოდებაზე უნდა გააფორმოს შესაბამისი მიღება-ჩაბარების აქტი.

4.2. საქონელის ან მისი ნაწილის მოწოდება ჩაითვლება მიღებულად მხოლოდ მხარეთა მიერ განსაზღვრული უფლებამოსილი პირების მიერ მიღება-ჩაბარების აქტის გაფორმების შემდეგ.

მუხლი 5. ხელშეკრულების ღირებულება და ანგარიშსწორების წესი

5.1. მოსაწოდებელი საქონლის ერთეულის ფასები თანმდევი მომსახურებით განსაზღვრულია დანართი №1-ით (ფასები მოცემულია დღგ-ს ჩათვლით).

5.2. წინამდებარე ხელშეკრულებით გათვალისწინებული საქონლის საერთო ღირებულება შეადგენს _____ ლარს დღგ-ს ჩათვლით („ხელშეკრულების ღირებულება“).

5.3. ხელშეკრულების ღირებულება მოიცავს მიმწოდებლის ყველა ხარჯსა და საქართველოს კანონმდებლობით დადგენილ ყველა გადასახადს.

5.4. ხელშეკრულების ღირებულების (ან მისი ნაწილის) გადახდა ხორციელდება უნაღდო ანგარიშსწორების წესით, ეროვნულ ვალუტაში.

5.5. ანგარიშსწორება ხორციელდება, ფაქტიურად მოწოდებული საქონლის (სამონტაჟო მომსახურებით) ღირებულების შესაბამისად, 20 დღის განმავლობაში მიღება ჩაბარების აქტის და შესაბამისი საგადახდო დოკუმენტების (ანგარიშ-ფაქტურა, სასაქონლო ზედნადები) შემსყიდველისათვის მიწოდების თარიღიდან (იმისდამიხედვით, რომელი უფრო გვიან მოხდება).

მუხლი 6. მხარეთა უფლება-მოვალეობები.

6.1. შემსყიდველს უფლება აქვს მიიღოს მიმწოდებლის მიერ ჯეროვნად, კეთილსინდისიერად, დათქმულ დროსა და ადგილას მიწოდებული საქონელი;

6.2. შემსყიდველი ვალდებულია გადაუხადოს მიმწოდებელს მოწოდებული საქონლის ღირებულება ხელშეკრულებით გათვალისწინებული პირობების შესაბამისად;

6.3. მიმწოდებელი ვალდებულია ჯეროვნად, კეთილსინდისიერად, დათქმულ დროსა და ადგილას მიაწოდოს შემსყიდველს ხელშეკრულებით გათვალისწინებული საქონელი;

6.4. მიმწოდებელს უფლება აქვს მიწოდებული საქონლის სანაცვლოდ მიიღოს ხელშეკრულებით გათვალისწინებული ფასი.

მუხლი 7. ხელშეკრულების შესრულების უზრუნველყოფის გარანტია

7.1. ხელშეკრულების პირობების შეუსრულებლობის გამო, გამოყენებული იქნება შემსყიდველთან წინასწარ შეთანხმებული ბანკის უპირობო საბანკო გარანტია ხელშეკრულების ღირებულების 3%-ის ოდენობით, რომლის მოქმედების ვადა 30 (ოცდაათი) დღით უნდა აღემატებოდეს ხელშეკრულებით გათვალისწინებული ვალდებულების შესრულების საბოლოო ვადას.

7.2. მიმწოდებლის მიერ ხელშეკრულებით ნაკისრი ვალდებულებების დადგენილ ვადაში სრულად შესრულების შემდეგ შემსყიდველი დაუბრუნებს მიმწოდებელს ხელშეკრულების შესრულების უზრუნველყოფის გარანტიას.

7.3. ხელშეკრულებით ნაკისრი ვალდებულებების არასრულად ან არაჯეროვნად შესრულების შემთხვევაში შემსყიდველი არ დაუბრუნებს მიმწოდებელს ხელშეკრულების შესრულების უზრუნველყოფის გარანტიას და გამოიყენებს უპირობოდ დარიცხული პირგასამტეხლოს ფარგლებში.

მუხლი 8. მხარეთა პასუხისმგებლობა ხელშეკრულების პირობების შეუსრულებლობისათვის

8.1 ხელშეკრულებით ნაკისრი ვალდებულებების შესრულების ვადების გადაცდენის შემთხვევაში, ყოველი დაგვიანებული დღისათვის, მიმწოდებელს ეკისრება პირგასამტეხლო ხელშეკრულების ღირებულების 0,1 %-ოდენობით.

8.2 იმ შემთხვევაში თუ ვადების გადაცდენისთვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 3%-ს, შემსყიდველს უფლება აქვს შეწყვიტოს ხელშეკრულება.

8.3. მიმწოდებლის მიერ ხელშეკრულების შეწყვეტის შემთხვევაში, მიმწოდებელს ეკისრება პირგასამტეხლო ხელშეკრულების ღირებულების 3%-ის ოდენობით.

მუხლი 9. ხელშეკრულებაში ცვლილების შეტანა და ხელშეკრულების შეწყვეტა

9.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

9.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

9.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

9.4. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

მუხლი 10. ფორს-მაჟორი

10.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

10.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;

10.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

მუხლი 11. დავები და მათი გადაწყვეტის წესი

11.1 ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

მუხლი 12. ხელშეკრულების მოქმედების ვადა

1.1 ხელშეკრულება ძალაში შედის ხელმოწერის დღიდან და მოქმედებს 2012 წლის 30 სექტემბრის ჩათვლით.

მუხლი 13. ზოგადი დებულებები

13.1. არც ერთ მხარეს არა აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებანი გაასხვისოს ან გადასცეს მესამე პირებს.

13.2. მხარეები თანხმდებიან, რომ ის ურთიერთობანი, რომელიც არ იქნა რეგულირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით.

13.3. ხელშეკრულება შედგენილია ქართულ ენაზე, სამ თანაბარ იურიდიული ძალის მქონე ეგზემპლარად (ერთი ეგზემპლარი მიმწოდებელს, ორი ეგზემპლარი შემსყიდველს).

მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

შემსყიდველის მხრიდან:

მიმწოდებლის მხრიდან:

(უფლებამოსილი პირის სახელი, გვარი, (უფლებამოსილი პირის სახელი, გვარი, ხელმოწერა და თანამდებობა) ხელმოწერა და თანამდებობა)

ბ.ა.

ბ.ა.